



მესტიის მუნიციპალიტეტი



პანორამა „მხარის“ მთიდან,
თამარ გომთეილიანის ფოტო

2022 წელი, №7 * მესტიის მუნიციპალიტეტის მერიის საინფორმაციო გამოცემა

დაბა მესტიაში თამარ მეფის ქუჩაზე მდებარე სკვერის რეაბილიტაცია დასრულდა



დაბა მესტიაში თამარ მეფის ქუჩაზე მდებარე სკვერს რეაბილიტაცია ჩაუტარდა. სკვერის მოწყობისთვის მესტიის მუნიციპალიტეტის ადგილობრივი თვითმმართველობის ბიუჯეტიდან დაიხარჯა 258 516 ლარი.

პროექტის ფარგლებში მოეწყო სპორტული ტრენაჟორების მოედანი და საბავშვო გასართობი ატრაქციონები. მოედნებზე დაიგო კაუჩუკის სპეციალური ფილები, ხოლო სპორტული ტრენაჟორების მოედანზე მოეწყო ლითონის კონსტრუქცია და გადაიხურა პროფფენილით.

სკვერში მოეწყო დეკორატიული ფანტანი, განათებები. განთავსდა ასევე მოსასვენებელი სკამები და სანაგვე ურნები, სკვერი შემოღობილ იქნა ლითონის კონსტრუქციის ლობით.

სამშენებლო სამუშაოები შეასრულა ელექტრონულ ტენდერში (NAT210011092) გამარჯვებულმა კომპანიამ შპს „ბერმუხამ“.



ვახის ადმინისტრაციულ ერთეულში საავტომობილო გზის რეაბილიტაცია მიმდინარეობს

მესტიის მუნიციპალიტეტის ფარის ტერიტორიულ ერთეულში საავტომობილო გზის რეაბილიტაციის სამუშაოები მიმდინარეობს.

სამშენებლო სამუშაოების სახელშეკრულებო ღირებულებაა 2 130 434 (ორი მილიონ ას ოცდაათი ათას ოთხას ოცდაოთხმეტი) ლარი.

საავტომობილო გზა იწყება შიდასახელმწიფოებრივი მნიშვნელობის ზუგდიდი-ჯვარი-მესტია-ლასდილის 101-ე კილომეტრის მიმდებარედ და გრძელდება ჩრდილოდასავლეთით სოფ.ფარის მიმართულებით, სადაც გაივლის სოფ.ლამხერს და სოფ.ზაგარის მიმდებარე ტერიტორიას. სარეაბილიტაციო მონაკვეთის სიგრძე 2000 მეტრია, ხოლო სიგანე 4,5 მ. პროექტის მიხედვით შენარჩუნებულია არსებული გზის გეგმის გეომეტრიული პარამეტრები და გზის ღერძი ემთხვევა არსებული გზის ღერძს.

ამ ეტაპზე გზის სავალი ნაწილის გაფართოების და მიწის ვაკისის სამუშაოები მიმდინარეობს. პროექტის მიხედვით მიწის ვაკისის დამუშავების შემდეგ გზის ქვედა ფენაზე მოეწყობა 25 სმ-იანი ქვიშა-ხრემოვანი ფენა და დაიგება 16 სმ-იანი არმირებული ცემენტბეტონის საფარი. აღნიშნული გზის რეაბილიტაციის განხორციელება უმნიშვნელოვანესია სოფელი ფარის მოსახლეობის-



თვის, რადგან წვიმების დროს, მოლიპული გრუნტის გზა საფრთხეს უქმნიდა გზაზე მოძრავ ავტომობილებს.

სამშენებლო სამუშაოებს ელექტრონულ ტენდერში (NAT220019527) გამარჯვებული კომპანია „თავადი-1“ ასრულებს.

იღლიანის ადმინისტრაციულ ერთეულში დაკიდული ხიდის მშენებლობა მიმდინარეობს

მესტიის მუნიციპალიტეტში იღლიანის ტერიტორიულ ერთეულში 130 მეტრი სიგრძის დაკიდული ხიდის მშენებლობა მიმდინარეობს.

პროექტის სახელშეკრულებო ღირებულება 1 402 310 (მილიონ ოთხას ორი ათას სამას ათი) ლარს შეადგენს.

ხიდის მშენებლობის განხორციელება სასიცოცხლოდ

მნიშვნელოვანია იღლიანის მოსახლეობისთვის. იღლიანის ადმინისტრაციულ ერთეულში მერის წარმომადგენის ინიციატივით, მოსახლეობისთვის ამ ხიდის მშენებლობა ოცნებადაც კი იყო ქცეული, მრავალი წლების განმავლობაში მოსახლეობას უწევს შემოვლითი საავტომობილო გზებით სიარული, რაც პრობლემას ქმნიდა განსაკუთრებით დიდთოვლიანობის დროს, ასევე სასწრაფო დახმარების მიღებაც ხშირ შემთხვევაში დაგვიანებული აღმოჩენილა. ხიდის დარულების შემდეგ, მოსახლეობას იღლიანის ცენტრამდე 7 კილომეტრის მაგივრად ერთი კილომეტრის გავლა მოუწევთ.

ხიდის მშენებლობა ხელშეკრულების მიხედვით უნდა დასრულდეს 2023 წლის აგვისტოს თვეში.

სამშენებლო სამუშაოებს ელექტრონულ ტენდერში (NAT210004538) გამარჯვებული კომპანია შპს „სახარია“ ასრულებს.



„სვანური დღეები“ ორბელიანების სასახლეში



დენტის ინიციატივით დაფუძნდა და მისი მიზანი რეგიონების განვითარების ხელშეწყობა, ეკონომიკურ-კულტურული პოტენციალის წარმოჩენა, რეგიონების მრავალფეროვნების ხაზგასმა და მათი პოპულარიზაცია, როგორც ადგილობრივ, ასევე საერთაშორისო არენაზე. ინიციატივის ფარგლებში, პირველად საქართველოს პრეზიდენტის სასახლის სივრცე მთლიანად დაეთმო საქართველოს ყველა რეგიონს, რომელსაც შესაძლებლობა მიეცა წარმოედგინა საკუთარი თავი, საქმიანობა და მიღწევები.



ექსპერტებისა და დარგის სპეციალისტების მონაწილეობით ორბელიანების სასახლეში გაიმართა პანელური დისკუსიები სვანეთის თვითმმართველობის, ენერგეტიკის, რეგიონის ეკონომიკური პოტენციალისა და კულტურული მემკვიდრეობის შესახებ.

ლა - ექვთიმე თაყაიშვილის სვანური ექსპედიციის ფოტოები და ბესარიონ ნიჟარაძის საარქივო მასალის გამოყენება დაათვალიერებინა. „სვანეთის დღეები“, მომლერალ სოფიო გელოვანის კონცერტით, საზეიმოდ დაიხურა. პრეზიდენტმა მადლობა გადაუხადა „სვანეთის დღეების“ მონაწილეებს - სვანეთის ადგილობრივ

21 ნოემბერს, პრეზიდენტ, სალომე ზურაბიშვილის ინიციატივით, ორბელიანების სასახლე დაეთმო რეგიონულ კვირეულს, რომელიც გაიხსნა „სვანეთის დღეებით“. საქართველოს პრეზიდენტის სასახლის სივრცე სამი დღის განმავლობაში დაეთმო სვანეთის მოსახლეობას. „რეგიონების კვირეული“ პრეზი-

დამოიფინა ადგილობრივი მხატვრის, ლეო ხოჯელანის ნახატები, ასევე გამოიფინა ფოტოგრაფის, ვახო ნავერიანის ნამუშევრები.

ორბელიანების სასახლეში სვანეთიდან ჩამოსულმა მზარეულებმა, შეფშარეულებისა და სტუდენტებისათვის სვანური სამზარეულოს მასტერკლასი ჩაატარეს და ადგილობრივი ტრადიციული კერძების მომზადების სპეციფიკაზე ისაუბრეს.

„სვანური დღეების“ ფარგლებში, წარმოდგინილი იყო მესტიის მუნიციპალიტეტის კულტურისა და ხელოვნების ცენტრის სპექტაკლი „ბეთქილ“.

ორბელიანების სასახლეში სამი დღის განმავლობაში მიმდინარეობდა შეხვედრები და დისკუსიები, სადაც საუბარი იყო სვანეთის პოტენციალზე, რეგიონის პრობლემებზე და გამოწვევებზე.



ლონისძიებზე ორბელიანების სასახლეში პრეზიდენტმა დიპლომატიური კორპუსის წარმომადგენლებს უმასპინძლა და მათ სვანეთის ისტორიის შესახებ, ხელნაწერთა ეროვნული ცენტრის ფონდებში დაცული მასა-

მოსახლეობას და პროექტის ორგანიზატორებს, რომელმაც სამი დღის განმავლობაში, ორბელიანების სასახლეში საკუთარი რეგიონი წარადგინეს.



საქველმოქმედო ღონისძიება

11 ნოემბერს, მესტიის მესამე საჯარო სკოლაში ჩატარდა ღონისძიება, სახელწოდებით "შემოდგომის გაცილება".



ღონისძიება ორი ნაწილისგან შედგებოდა. მოსწავლეები აუდიტორიის წინაშე წარდგინეს პედაგოგ, დოდო მერლანის ლექსებით და შეასრულეს სხვადასხვა ნაწარმოებების მიხედვით დადგმული თეატრალური წარმოდგენები.

ლონისძიების მეორე ეტაპზე კი მოეწყო საქველმოქმედო გამოფენა-გაყიდვა. მოსწავლეებმა გასაყიდად გამოიტანეს საკუთარი ხელნაკეთი ნამუშევრები და მათ საკუთრებაში არსებულ საინტერესო ნივთები: წიგნები, სათამაშოები და ა.შ, რაც სიმბოლურ ფასად ადგილზე გაიყიდა.

შეგროვებული თანხას, რომელმაც 1086 ლარი შეადგინა, მოსწავლეებმა 5 წლის ელენე ხერგი-




ანის დასახმარებლად გადარიცხეს. მესტიის მუნიციპალიტეტის მერია მადლობას უხდის მესამე საჯარო სკოლას, აღსაზრდელებს და მათ მშობლებს გამოჩენილი გულისხმიერებისთვის. სიკეთე გადამდებია!

კოშკების რეაბილიტაცია

კულტურული მემკვიდრეობის დაცვის ეროვნულმა სააგენტომ, უშგულში, კიდევ 6 კოშკს რეაბილიტაცია ჩაუტარა.

საქართველოს კულტურის, სპორტისა და ახალგაზრდობის სამინისტროს სსიპ კულტურული მემკვიდრეობის დაცვის ეროვნული სააგენტოს ეგიდით, მესტიის მუნიციპალიტეტის უშგულის თემში რთულ მდგომარეობაში მყოფი კიდევ ექვსი სვანური კოშკი აღადგინეს: მესტიის მუნიციპალიტეტის უშგულის თემის სოფელ მურყმელში ემზარ კაკრიანიშვილისა და თამარ ღვარამიანის, სოფელ ყიბიანიში ზამირ რატიანისა და შურა ნიჟარაძის, ხოლო სოფელ ჩაჟაშიში მარინე და მურმან ნიჟარაძეების კოშკები რეაბილიტირდა. სამუშაოები ჩაუტარდა კოშკების კედლებს, გაკეთდა გადახურვისთვის საჭირო ხის კონსტრუქციები, შეიფიცრა სახურავი, შესაძლებელი გახდა ხის მასალის ცეცხლდაცვა, ჰიდროიზოლაცია, სახურავის ფიქლით დაფარვა, გაკეთდა სართულ-



შორისი გადახურვები. სამუშაოების ღირებულება სულ 324 281 ლარია. შეგახსენებთ, რომ უშგულში მო-



ცემული სამუშაოების მწვავე საჭიროება 2021 წლის ივლისში კულტურის, სპორტისა და ახალგაზრდობის

მინისტრის თეა წულუკიანის სვანეთში გამართული სამუშაო ვიზიტისას გამოიკვეთა. სტუმრობისას მინისტრი ადგილზე გაეცნო იუნესკოს ნუსხაში შეტანილი კულტურული მემკვიდრეობის ძეგლების მდგომარეობასა და მაცხოვრებელთა პოზიციაც მოისმინა. მინისტრი მოსახლეობას დაჰპირდა, რომ უშგულის თემში შექმნილი პრობლემების აღმოსაფხვრელად სამინისტრო აუცილებლად იმოქმედებდა.

პირობის შესრულება გასულ წელსვე დაიწყო, როდესაც 2021 წლის ბოლოს უშგულის თემის ყველაზე რთულ მდგომარეობაში მყოფი რატიანების, ჭელიძეებისა და ღვარამიანების სამი კოშკი აღდგა. სწორედ ამ პროცესის გაგრძელება მიმდინარე წელს უშგულის თემის კიდევ ექვსი კოშკის რეაბილიტაცია.

წყარო: საქართველოს კულტურული მემკვიდრეობის დაცვის ეროვნული სააგენტო

Table with 4 columns: Contact information, Address, Website, and Email. Content includes 'მესტიის მუნიციპალიტეტის მერია', 'გაზეთი აენყო და დაკაბადონდა შ.პ.ს.', 'ინფორმაციისთვის დაგვიკავშირდით შემდეგ ტელეფონის ნომერზე: 599 85 55 25', and 'ელ. ფოსტა: meriasazogadoeba@gmail.com'.